



MASEN VANLALRUATA

SON OF

DAVID LALMUANPUIA

ADDRESS - TUIKUAL NORTH

CONTACT NO. - 6009761934

CLASS -VII SEC -A

ROLL NO -29

ENGLISH CONGREGATION SCHOOL

Hmanlai hian thingtlang khaw pakhtah hian chhungkaw inngaih em em mai hi an awm a, fapa pahnih leh fanu pakhat hi an nei a, an hlim thei em em mai ani. Tichuan hmanlai mi ho chuan loneihin ei an zawng thin a ni. Hemite chhungkua hi an pa ber hming hi Thanga ani a, an nu ber hming hi Mawii ani baw a. An fate hming hi an upat dan indawt in, an upa ber hi Zaitai ani a, a dawt leh hi Thanga ani a ante ber hi Khama ani. Tichuan hmanlai chuan lehkhah te an la zir ve ngai lo a, school pawh an kal ve ngailo a, naupang ho chuan an nu leh pate puih leh thil tul ang ang te tiin an hun hi an hmang ve mai thin a ni. A chang chuan lo lamah te feh ve in an nu leh pate an pui ve thin a, nuam pawh an ti thei thin hle a ni. Ramhnuai ah te kalin sava leh thildang te an veh ve thin a ni. Hmanlai chuan mipa naupang chuan sairawkherh anei thin a, chumi hmang chuan sava keh sazu te, thehlei leh ramsa te chi lampang te vehin hun an hmang ve mai thin a ni. Mipa naupang te hi chuan an lo len deuh tawh phei chuan thang te an kam ve thin baw a ni. Thang hmang hian sava te, sazu te leh ramsa tenau deuh lampang ho chi hrang hrang te hi an awk ve thin baw a ni. Tichuan hmeichhe naupang tan chuan nu leh pate an puih loh hunah thlâmah te nu leh pate lo thlo hah in turin thingpuite an lo lumsak a, rawngte pawh an lo bawlsak ve thin a ni. Hmeichhia hi naupang rau rauah mipa aiin an puitling hma bik thin a ni.

Awle..... Thanga te chhungkua chu hlim taka an awmlai chuan, vawikhat chu an khua ah hian Hripui hi a rawn leng thut mai a, chu hripui chuan Thanga nu leh pa leh, an hmeichhia te chu man ve in an damlo ve ta reng mai a, hmanlai phei chuan tunlai angin damdawi tha te a awm ve ngai si lo a, damlo te tan hian a buaithlak em em thin a ni. Mahse tunlai a doctor kan tih ang ve deuh, damlo te enkawl ve thin hi an awm a, chung ho hming ah chuan Bawlpu tih an vuah thin a ni. Chuvang chuan hmanlai chuan damloh leh inhliam palh te hi a chang chuan a buaithlak ve thin em em a ni. Mahse hmanlai Bawlpute hian thil an thiam ve em em tho a, ramhmul damdawi hmangte leh thil dang (dâwi) hmangte in an enkawl dam veleh mai thin baw a, mahse a buaithlak ve em em tho a ni. Awle tichuan Thanga nu leh pa leh a u hmeichhia pawh chu bawlpu chuan a thiam ang tawh tawh in ramhmul damdawi hmang chuan a enkawl a, mahse Thanga chhungte hian hma an sawn chaklo em em a, nakin deuhah phei chuan an damloh a zual telh telh a. A tawpah phei chuan an lo thih phah ta hial a, an khawngaihthlak em em a ni.

Tichuan Thanga te chu an chhungten an thihsan takah chuan an unau tê chauh chuan an lo awm ta a, an lainatawm tak zet zet a ni. Tichuan hunte alo liam zel a, Thanga te unau pawh lo lamah feh ve in, an thiam ang tawh tawh in hna te an thawk ve thin a, mahse naupang mai an nih avang chuan an tan hnathawh pawh chu a buaithlak em em thin a. Mahse an khuaa mifel tak tak leh tlawmngai te chuan an pui ve thin a, mahse inpuih hman reng bik anih loh avang chuan Thanga te unau chuan anmahni in an thawk ve tau tau zel a, ei leh in tur te an thawh chhuah ve tho angaih avangin naupang mah nise an thawh ve tau tau kha a ngai si a ni. Vawikhat chu lo a an fehna lamah kalkawngah hian saphai lian deuh mai hian kawng alo kân a, Thanga nau chuan alo hmu ve si lo a, a rap palh ta a, chu veleh chu saphai lian tak mai chuan Thanga nau chu a rawn vial ta mai a. Tichuan Thanga nau hlau lutuk chu a aû ta vak vak mai

a, Thangan a nau chhan tum chuan a chem ken chuan an beilet ve a, mahse chu saphai chu alen em avangin naupang mai tan chuan hneh chi ani si lo. A theih tawp chhuah chung chuan chu saphai lian em em mai chu an sat ve thin tak nain , chu saphai lah chuan engahmah a lo ngai der mai silo a. Tichuan a nau chu a zial na telh telh mai si a, a tawp ah chuan a chhan thei dawn tawhlo tih hriain an thlâmah chuan tlan thla pahin midang tanpuina dilin a au thla ta vak mai a, chumi au thawm hria chuan an lo bulhnai vela mi fehve ho chuan lo hria in , chutia an khaw naupang hlauthawng au ta vak vak lam pan chuan an rawn tlan khawm ta a, tichuan Thanga chuan tawhsual an tawh dan te sawiin a rang a rangin a nau saphaiin a zialna hmun lam pan chuan rang takin an han tlan chho nghal a. Thuife an han tlan hnu chuan Thanga nau saphaiin a tihbuaina hun chu an han thleng ta a. Tlema tlemah chu rulpui saphai lian zet chuan alo zial vek tawh a, dawlh tumin alo in siam rem mek vel hi alo ni tawh a. Chutah lê khua mite ho chuan chu saphai lian zet mai chu an han sah rawn ta tak tak mai a, an in beih hnu chuan an sat hlum thei ta hram a, Thanga nau pawh chu chau tak chung chuan an chhan hman ta hram a ni. Saphai in a zialna lamah khan alo thi tep hman a, a taksa zawng zawngte chu alo duk vek hman tawh a, nakin deuhah chuan alo harh leh thei hram a ni. Tichuan thlâm lamah chuan khaw mite leh Thanga te unau chu chhuk thla in ,a thenin an saphai that tak chu an hnuk thla ta bawk a, tichuan thlâm an han thleng chu saphai lian zet mai pumpui chu an han zai teh nâk chuan, chu rulpui chuan thil hlu tak tak hi alo dawlh teuh mai hi alo ni a, khaw mite chuan mak ti tak mai chuan an en ta thup mai a. Chutah le khaw mite zingah chuan pa pakhat, duham em em leh verther zet mai Pu Kunga an tih chu a awm ve a, chu pa chuan midang tam zawk hmuh hma chuan chu saphai kawchhung a thil hlu tam tham tak mai chu midang hriat loh hlan chuan ramhnuai lamah chuan tuma hmuh loh hlana thuhruk tum chuan ngaw kar lam chu a panpui ta nal nal a. Hun alo kal zel a, Thanga te unau pawh anlo lian ve zela, hun khirh tak chu an paltlang ve thei zel a. Tum khat chu sava veh paha thang an kam mual mual lai chuan an rinloh deuh mai hian mihring zai ri rêt rêt hi an hre ta thut mai a. Chutia zai ri rêt rêt awmna lampang zawng chuan an kal a.

Chutia lui dung zawh thla paha an kal zel lai chuan hmun zawl zau deuh maiah hian an zuk chuang chhuak hlawl mai a. Lui mawng lamah chuan zai ri rêt rêt chu alo awm zela, tichuan anni unau pawh chuan hlau deuh chung chuan an pan thla ve zel a. Thui ve deuh tak an chhuk thlak zel hnu chuan phaizawl zau tak hi an zuk chuang chhuak leh a. Zai ri rêt rêt thawm pawh chu an hnaih ve hret hret zel a. Chuta tanga thui vaklo an kal thlak leh hnu chuan lungpui lian tak chungah chuan pitar pakhat khawhar hmel em em a lo zai chu an zuk hmu ta a, chu pitar chu an unau hnungchhawn zawngin alo thu a. Chu veleh Thanga chuan a nau chu lung phenah chuan a bihruk pui phawt a, chutah thawm dim te hian an bih dêk dêk a, chu pitar chu alo la zai zel a, an unau thawm pawh chu a hre lo nge ni dawn ni. Chutah a nau zawk hrawk rawn za thut chu a insum hman ta lo. A khuh chhuak ta vak mai a. Chu veleh chu pitar zai ri rêt rêt lai pawh chu a tawp ta nghal a. Chutah le.... an unau bihrukna lam rawn en tum chuan muang chang chuan a rawn inher ta a, chutah nui sâng chung chuan alo en a, Thanga hlau deuh chuan a nau chu kaiin tlanchhiat pui nghal tum chuan a phih tho nghal vat a. Chutih lai tak chuan chu Pitarte chuan a rawn ko a, “Min hlau reng reng suh

u, engtinmah ka ti lo ang che u, ka bulah hian rawn kal ve teh u, eitur tui tak tak pawh ka nei ðeuh ania, lo kal hnai teh u” a rawn ti ta mai a, mahse Thanga te unau chuan an lo hlau deuh a. Mahse pitarte chuan a rawn sawm nawn leh a, Thanga te unau pawh chuan hlau chung chung chuan chu pitar awmna lam pan chuan zawi muang chuan an pan ve ta a. Chu pitar awmna chu an thlen chuan pitarte chuan a awmna a lawn ve tur chuan alo sawm a. Pitarte awmna lungpui zâwl chung an thlen chuan alo zâwl nuam em em a, pitarte chuan a bula ðhu tur chuan alo sawm a, an va ðhu ve ta a. An hlauhna pawh chu tlem chuan alo reh ve ta a. Chutah pitarte chuan an hmingte lo zawtin nui sêng chung chuan alo chhâwn a. Chutia an hmingte an hrilh zawh hnu chuan pitarte chuan an ril a ðam leh ðam lohte chu a zawt a, a bul hnaia bawm chhung chu an hawnga, chutah le.... bawm chhungah chuan eitur tuihnai tak tak – apple te, chhang te leh thei tui in tur tuihnai em em mai hi alo awm a, Pitarte chuan “Kha ei ðeuh rawh u, in ril te pawh a ðam tawh ang, thlamuang tak khan ei rawh u, min hlau reng reng suh u” tih pah chuan a nuih ver ver a.

Thanga te unau pawh chuan tui ti tak chung chuan an ei ta mial mial a. Chutia an ei pah reng lai chuan a nau zawk chuan chu pitarte chu thil a zawt ve ta a. “Ka pi, tinge helai ramhnuaiah te mahni chauhin i awm a, I chhungte khawiah nge an awm ?” tiin a zawt ve ta a, chu pitarte chuan tihian a chhang ta a “Kan hrilh ang che u aw ka nihna diktak chu. Min hlauh phah reng reng suh ang che u aw” a ti ta siam siam a. Kei hi Lasi lalnu Chawngmawii ka ni a, helai ram vel hi kan chenna ðhin a ni a, mahse mi zawng zawng hmuh theih hian kan in lan vek ngai kher lo, nangmahni hmuh tura ka inlan nachhan chu nangmahni puih che u ka duh vang zawk ania, a chhan kan hrilh ang che u aw....

Hmanah, hun kal deuh tawh ah khan, nangni unau pawh hi inla piang ve lo, I pa hian min ðanpui tawh a, min ðanpui dan in hriat duh kher ka rin avangin kan hrilh leh ang che u aw...Lasi te hi a chang chuan ramsa ah te hian kan inti chang vek thei a, chutia ramsa a kan intin chanlai chuan ka fapa hi Sazuk pachal lian leh mawi takah inti changin, helai ramhnuaia vela len vei vah hi a chak ðhin bawk sia. Lasi anga awm a ramsa anga awm vel kha a chak ta tlat mai a, chutia sazuk pachal mawi em em a a chanlai chuan, ramsa pël ho hian rawn hmu in kah tumin an rawn um ta vak mai a, chutia ramsa pël ho hlau tlanchhia chu, a tlanchhiatna lamah hlîng hmunah hian a tang ta tlat mai a, chutia hlau em em leh mangang taka a awmlai chu I pa khan lo hmu in a khawngaih ta em em a, chutia hnim hlîng neia a ki bat buai veltu te chu I pa khan a rawn sah chat sak ta vek mai a, tichuan hlîng ho zinga tang ka fapa chu min chhanchhuah sak ta a, ka fapa chu a lawm ta em em a, kan hnen alo thlenin buaina a tawh dan zawng zawng leh I pa in a chhanchhuah dan vel chu min lo hrilh ta a. Khavang khan ðanpui tur che u in keimah ngei lo kalin ka rawn zawng chhuak ta che u anih hi. Mahse a pawh ka ti khawp mai, I pa te, I nu te, I u te Hripui in a man lai khan ramhla taka kan kallai ania, kan lo chhan hman ta lo kha min ngaidam dawn nia ati ta a. Chutia a sawi pah chuan chu pitarte Lasi Lalnu chu a mittui te a tla ta a. Thanga chuan, “E.. ka pi ðap tawh suh, i thiamloh pakhatmah a awm loh chu” tih pah chuan a kuah ta a. Nakin deuh ah chuan chu Lasi Pitarte chuan “E.. thil hrilh tur dang ka la nei

che u asin, hmana saphai lianpui in unau tibuaitsu an thah tak kha, kha saphai kha kan hmelma pa ramhuai sual vulh lai a ni a. Kha saphai khan ka rohlu tamtak a ru a, mahse an lo thah tak avang khan kan rohlu awmna chin kha kan hrechhuak thei ta lo tlat mai a. Saphai thattu te kha inla hrechhuak thei angem aw...?" In hriatchhuah theih chuan a thattute zinga mi tu emaw ber khan kan rohlu awmna chu a hriat ka ring a, a theih chuan min zawn chhuahpui dawn nia, kan hmu leh anih hlauh phei chuan kan Lalpa a lawm dawn lutuk a, thil tha engemaw tak in tan pawh a tihsak ngei che u ka ring tlat ani a ti ta a. Chutah Thanga chu an han in ngaihtuah ta vang vang a, saphai that tute ho chu a mal te te in an ngaihtuah let ta neuh neuh a, chutah le thil hriatchhuah a nei ta a, khami saphai an thah hunlai khan an lo mawngah a ramri pa in thil a hnuk thla lai kha a hrechhuak ta a, chu pa chu a ni angem aw... tiin chu Lasi pitar hnenah chuan a hrih ta a. Chu Lasi Pitarte chuan in lo mawnglam chu kan zawng chhin dawn nia ati ta a.

Tichuan Thanga te thlâm lam pan chuan an inzui chho ta a, chutia an kal chhoh lai chuan a nau chu alo hah ve deuh nge ni luikamah chuan chawlh chu a rawt ta a, chutah tak chuan chu Lasi Pitarte chuan,aw haw... ka lo hre lo ani, ka tihpah lutuk tihpah chuan an unau chuan an kut ve ve chelh chung chuan thlâm lam pan chuan a thlawh chhoh pui ta nul nul a, an nuam ti lutuk chu an au chûl mai a, reilo te ah chuan thlâm kawt chu an thleng ta mai a. Tichuan thlâmah chuan an inzui lut ta a. Chutia rei ve deuh tak an hahdam hnu chuan Lasi Pitarte chuan, Thanga'n saphai ah thah hunlaia an ramri pa'n a thil a hnuhna lam chu a zawt ta a. Thanga pawh chuan chu Lasi Pitarte chu a kawhmuh ta thui a, chu Lasi Pitarte chuan nakin deuhah ka naute zinga mi thil chhui thiam ka ko anga kan zawn tir dawn nia ati ta a. Chutia an inkawm melh melh lai chuan mihring thawm ri an hre ta mai a, chu velleh chu Lasi Pitarte chuan "Midangin min hmuh ve hi kan duh lo chuvang chuan ka kalsan mai hrih ang che u, tichuan kan inhmuh chungchang vel hi khawmite tumah hrih suh ang che u, nakinah ka rawn tlawh leh dawn che u nia, in lo feh leh hunah" ti chung chuan lo mawng lam pan chuan a thlawh thlak san ta ruai ruai a. Tichuan Lasi Pitarte pawh chu a ral thla ta riai riai a, a hnu lawkah khaw mite feh tur pawh chu anlo thleng thla ta a.

Hunte lo liam leh zelin, vawikhat chu an lo a an feh ni chuan, kha Lasi Pitarte in a ro bo a tih kha an hrechhuak a, chutih lai tak chuan kha ro thukru tu khan an lo lam pan a alo kal thla nulh nulh chu an hmu ta a, chu veleh Thanga te unau chu an lo biru in chu an ramri pa chu an lo enthla ta a, chutah chu pa chuan mi an awm leh awm loh chu en pah chung chuan a thil thuhrukna lam pan chuan an lo mawng lamah chuan a kal thla ta dûn dûn a. A kal liam ta maw tih ah chuan an unau pawh chu thawm dim takin chu ro thukru tupa kalna lamah chuan an zuk zui ru ve ta a. Mahse chupa chu alo fimkhur vang nge engmah chu an unau chuan an zuk hmu ta chuang lova. An beidawng chu thlam lam pan chuan an let chho leh ta zawk a. Nakin deuhah chuan chu pa chu lo mawng lam aţang chuan a rawn chhuak chho leh ta mai a, mahse engmah chutiang ro âwm alo ken chu an hmu lo a. An rin dan chuan a bo leh bo loh a zuk enfiah angah an ngai zawk a. Chu bakah Lasi Pitarte khan ka naute hnu chhui

thiam ka rawn hruai dawn tho a tih bawk avang khan ngaih ngam tak chuan an unau pawh chu in lam pan chuan an haw ve ta a.

Hunte lo liam leh zelin nakin deuhah chuan lo a an unau a an feh kûr kûr lai chuan, Lasi Pitarte kha alo inlar leh ta a. Tichuan inngai em em in thlâmah chuan an in kawm ho leh ta a, ei tur leh in tur tuihnai tak tak ho te alo ken sak ei pah chuan hlim takin an in kawm leh ta a. Chutia an in kawm ho melh melh lai chuan chu Lasi Pitarte chuan, “E tak a, hmana ro ka sawi kha a zawng thiam tur chi ka nau te pawh kha ka hrih tawh tak asin, kan zawng tan mai dawn mawni le?” ati ta a. Chutah Thanga te unau pawh chuan ahma ni deuh lawka an ramri pa in an huan mawng alo tlawh thu leh, engmah ro thil âwm ang alo hawn loh thu chu an hrih ve ta nghal a. Lasi Pitarte pawh chuan an unau hnenah chuan an lo mawng lampang chu zawh pah chuan, ka naute pawh chu kan hrih hre nghal ange ati a. Nakin deuhah chuan Lasi tlangval pakhat leh nula pakhat hi thlâmah chuan an rawn lut ta hlawl a, Lasi Pitarte chuan hemi te pahnih hi alawm kan hnu chhui thiam ka sawi tih pah chuan an unau nen chuan inhmelhriattirna te chu an nei zui nghal a. Chutia rei vak lo an in kawm hnu chuan ro an thuhruk na lam ni awm a an hriatna lam pan chuan an chhuk thla ta hlawm a. Chutah hnuchhui thiam pahnih te chuan an hnar lên chung chuan an zawng tan ta nghal a, chutia rei ve tak chhung an zawn hnu chuan , Thanga te lo mawng lama Bûng kung lian tak lo ding luah bawr velah chuan an kual an kual ta a. Hnuchhui thiam pahnih te chuan helai bâwr velah hian a awm ngei a ni tih chu an hrechhuak ta a. Uluk leh zuala an han zawn leh hnu chuan chu Bûng kung lian deuh zung hnuaiah chuan an phum tih an hrechhuak ta a. Chu velah chu bûng kung zung hnuaiah lei chu an lai ta chiam a. Rei ve deuh tak an laih khuar hnu chuan chu ro ni ngeia an rin chu puana tuam chu an lai chhuak ta a, chu velah chu Lasi Pitarte chuan rawn enfiah pah chuan a hawng ta a. An han enchiang chu an ro an zawn thin, an ui em em chu an hmu chhuak ta. Chu Lasi Pitarte lawm lutuk chu te chul chung chuan a zuang ta vak vak mai a, a naute pahnih pawh chu an lawm ta em em a, thlâm lam pan chuan an inzui chho ta a. Lasi Pitarte chuan Thanga te unau hnenah chuan kan awmna ah in lo kal ve zawk angai ang. A chhan chu kan Lalpa hian he ro hmuhlet saktu hnenah hian lawmman pek a duh a, churang chuan in unau hian min lo zui ve dawn nia ati ta a. Thanga te unau pawh chu lawm tak chungin an remti ta a. Tichuan Lasi Pitarte te awmna lam pan chuan boruak ah chuan an thlawk chho ta delh delh a, rei vak lo an thlawh chhoh hnu chuan tlang panga puk lian tak kawtah chuan an tum ta a, chutah le.. chu puk chu an thlen hnu chuan a chhung chu bang eng takah alo chang a, chumi chhungah chuan an lut ta a.

Chutia puk chhunga an lut chu an unau a an la hmuh ngai loh, khawpui mawi leh nalh em em chu an hmu ta a, an mak ti lutuk leh nuam ti bawk si chu an unau chuan in enpah chuan an in nuih ta vur vur thin a. Thui ve deuh tak an kal hnu chuan , kawthler mawi leh nuam em em mai chu an va thleng ta a. Chutah le.... In ropui em em mai chu lo awmin, chu in ropui em em ah chuan kawngkapui lian leh mawi em em chu lo awm bawkin, chutah an han lut a, Lalthutthleng mawi em em ah chuan chu Lalpa a tih Lasi Pitarte in a sawi chu alo thu a. Chutah chu Lalpa chuan an unau chu a kuta lo huiin, a

ṭhutna bula kal tur chuan a ti ta a. Lasi Pitarte chuan an ro bo an tih zawwna kawnga min ṭanpuitu te an nih thu chu an Lalpa hnenah chuan a hrilh ta a, an Lalpa pawh chuan chutia Lasi Pitarte in a hrilh hnu chuan hlim leh lawm hmel pu tak chung chuan Thanga te unau chu a chibai ta a. Lawmthu te hrilh mawlh mawlh pah chung chuan chu Lasi Lalpa chuan Thanga te unau hnenah chuan an duh ber dil turin a zawt ta a, chutah Thanga te unau chuan a nu leh pa leh a u ten an boralsan tawh thu te sawiin, naupang mai an la ni tih chu a hrilh ta a. Chu Lasi Lalpa pawh chuan lo khawngaih em em chung chuan an a kuah ta a. Anih chuan kan Lalnu hian in mamawh chu a hriat zawk ka ring, churang chuan ama kutah engkim ka dah anga a nin in mamawh chu a pe vek mai ang che u, tunah chuan kan ro bo ta kan hmuh leh lawm nan ruai ropui tak kan ṭheh phawt anga, nangni unau pawh in tel ve ngei a ngai dawn a, ruai ṭheh zawh lamah in duh chuan in haw dawn nia, hetah kan awmna ah hian in duh phawt chuan in unauin in cheng ve thei ang a ti a. Tichuan ruai te an han kil zawh chuan Thanga te unau pawh chu lasi nula leh tlangvalte chuan an thlâm lam pan chuan an thlah thla leh ta a. Lasi Pitarte chuan ka rawn tlawh leh hunah che u in lawmman tur chu keimah ngeiin ka lo pe dawn che u ania a ti thlap bawh a. Nakin deuhah chuan a sawi ang ngeiin Lasi Pitarte chuan Thanga te unau chu an fehna ah chuan a rawn tlawh leh ta a, tichuan duhte zawtin an lawmman pe tura lo kal anih thu te chu a hrilh a. Thanga pawh chuan Lasi Pitarte hnenah chuan an duhte chu a hrilh ta a. Ka pi kan duh chu buh leh bal lamah malsawmna te leh damreina te ani mai, a bak chu kan duh lem lo e tiin a hrilh ta a. Chu Lasi Pitarte chuan chu chauh chu maw in duh chu, chu aia tam pawh chu min dil rawh u, kan pe em em ang che u a ti a. A hnu ah chuan an han ngaihtuah leh vang vang hnu chuan Thanga nau chuan, ka pi Pasalṭha leh huaisen, sa kap thei tak nih ka duh a rawn ti ta reuh a. Chu veleh Lasi Pitarte chuan nuih sen sen chung chuan, e..... in unauin Pasalṭha leh huaisen chu in ni em em anga, chu bakah damreina pawh ka pe tel ang che u, a dang pawh in duh phawt chuan min la dil dawn nia. Tichuan ka haw san leh rih phawt ang che u, min mamawh hun in neih velah tihian in ti ṭhin dawn nia, in sawi rîk kher pawh a ngai lo ang, “Ka pi te kha ka va ngai tak aw....” in rilru in ka hming in lam ringawt anga, chu veleh ka lo kal nghal zel ang a ti a, tichuan a awmna lam pan chuan thlawh haw leh san ta a.

Hunte lo liam zelin Thanga te unau pawh chu an lo puitling ve ta a, mipa satliah mai pawh ni lovin, Lasi Pitar hnena an dil ang ngei khan Pasalṭha huaisen leh sa kâp thei tak, an khaw mi te tan pawha mi chhen fâkawm leh huaisen tak anlo ni ta a. Lasi Pitarte malsawmna avang chuan buh leh balah pawh malsawmna tam tak dawngin, an khuaa mi chhumchhia leh hmeithai te tan pawh malsawmna lo niin, mi rethei te tan pawh ṭanpuitu ṭha tak an lo ni zel a. Nakin deuhah pheih chuan Thanga leh an khaw Lalpa fanu chu an lo innei ta a, fate pawh neiin a nau Khama pawhin nupui fel leh hmelṭha tak neiin chungkaw hlim tak an lo ni ta a ni.